


1605_001r.jpg



ges & inte-
tous Mar-
jets, Que
re au con-
amener en
debiter en
elqu'vn en
ntre iceluy
peines cy-
imprimé,
autres per-
ces presen-
e soient te-
urueu que
Sommaire
exemplaire
us endroict
ace, congé,
tes & laissez
de luy, ces-
re; En ou-
Sergent sur
our l'execu-
placet, Visa
stant oppo-
ur de Haro,
utres choses
de Nouëbre
tre regne le
GERON.

I

LE MERCVRE
FRANÇOIS,
OV,
LA SVITTE DE
L'HISTOIRE
DE LA PAIX, SOVS
LE REGNE DE HENRY III.

M. DC. V.




LE Pape Clement VIII. deceda le
troisiesme iour de May sur les dix
heures du soir, on le nommoit aupara-
uant Hipolite Aldobrandin : il
estoit Florentin, & fut faict grand Penitencier
& Cardinal par le Pape Sixte V. l'an 1585. Pour
sa dexterité au gouuernement des affaires poli-
tiques il l'enuoya Legat en Pologne, afin de pa-
cifier les differends d'entre Sigismond Prince de
Suece & l'Archiduc Maximilian, tous deux es-
leus Rois de Pologne, & qui pour ceste esle-
ction en estoient venus en des batailles & ren-
contres de sang, auxquelles Maximilian fut des-

1605.

Mort du
Pape Cle-
ment VIII.

A

1605_001v.jpg



1605_002r.jpg

Suite de l'Histoire de la Paix. 2

Le Scrutin se fait en ceste sorte; Chacun Cardinal escrit dans certain billet de papier son aduis & suffrage, & à la fin de la Messe le va porter dedans le grād calice d'or, qui est sur l'autel. Puis tous les billets sont renuersez sur vne petite table, qui est mise pour cest effect deuant l'autel. Il y a trois Cardinaux, lesquels au veu & en presence de tous les autres, desploient ces billets, prononçans à haute voix le nom de celui qui se trouue nommé en chacun d iceux, & les autres Cardinaux escriuent & marquent en vne fucille de papier le nombre des voix que chacun peut auoir, pour cognoistre celui qui en a le plus. En quoi est à noter que pour ellire & creer vn Pape, il faut qu'il ait les deux tiers des voix de tous les Cardinaux qui sont dans le Conclau. Que si par tel Scrutin il ne s'en trouue aucun qui ait les deux tiers, alors & à l'instant mesme on iette dans le feu tous les billets, afin que le tout demeure secret & assoupi, pour obuier aux haines & partialitez qui en pourroient autrement proceder. Et par ce moien la partie est remise à vne autre fois, qu'on faiet & recommence vn autre Scrutin en la mesme forme.

1605.

Par Scrutin.


L'autre maniere, qui est l'Adoration, c'est quand les Cardinaux estans assemblez en la chappelle, se tournent vers celui qu'ils desirent estre faiet Pape, & luy font la reuerence, plians le genoüil fort bas: & quand il se trouue que les deux tiers sont allez en ceste sorte à l'adoration, le Cardinal adoré est faiet Pape.

Par Adoration.

Le Scrutin tenté par diuerses fois; Plusieurs Cardinaux mis en auant, Et entr'autres le Car-

A ij

1605_002v.jpg



1605. *Le Mercure François, ou,*
dinal Baronius, lequel du commencement eut
trente voix, & depuis les iours suiuaus, en eut
iusques au nombre de trente-sept, ou trente-
huit, qui n'estoit nombre suffisant pour faire
les deux tiers : encore que ce fust chose qu'il ne
recherchast aucunement : au contraire qu'il s'en
rendist du tout aliené, faisant tout ce qu'il pou-
uoit pour l'empescher. Les Protecteur, & entre-
metteurs des affaires d'Espagne luy estoient con-
traires, à cause de ce qu'il auoit escrit en l'vn-
ziésme tome de ses Annales, contre les preten-
tions du Roy d'Espagne touchât la Sicile. Pour
raison dequoy en vne congregation des Cardi-
naux, qui fut tenuë le Mercredy neufiesme de
Mars, auant qu'on entrast au Conclauë, fut mise
en auant & leuë vne lettre du Viceroy de Sici-
le, qu'on disoit auoir esté enuoyée au deffund
Pape, tendant à fin de faire reuoir & corriger les
liures du Cardinal Baronius. Lequel ayant parlé
avec beaucoup de vehemence & de courage,
pour sa deffence & de ses liures, par vne longue
harangue latine qu'il fist sur le champ, il en rem-
porta vn grand honneur : & par telle action fut
iugé plus digne du Pontificat, que iamais aupara-
uant. Ceux qui luy auoient dressé ceste partie
ne sçachans que respondre : & d'ailleurs confus,
quand le Secretaire des chiffres du Pape (qu'on
disoit auoir baillé ceste lettre,) ayant esté man-
dé, dist ne l'auoir iamais veüe, & qu'il ne sçauoit
que c'estoit. Il en fut aussi proposé quelques au-
tres, contre lesquels se trouuerent des exclu-
sions & oppositions.

Mais le premier iour d'Auril, quand on vint à

parle
se réc
que f
ne, l
rut à
dinal
tecte
cher
ouir
Sain
que
pou
tion
resp
tiers
bō f
dem
bien
Roy
Ain
à 8. l
dicis
L
port
nité
tion
foler
se de
uril
ua sa
mesn
en sa
ce fit

1605_003r.jpg

Suite de l'Histoire de la Paix. 3

1605.

*Le Cardinal
de Florence
élu Pape,
prend le
nom de
Leon XI.*


parler du Cardinal de Florence, tout incontinēt
se recontra vn tel consentemēt de toutes parts,
que sans en douter, estans en la chappelle Pauli-
ne, lieu destiné à telles eslections, chacun cou-
rut à l'adoration, qui fut commencee par le Car-
dinal de Ioyeuse. Quant au Cardinal Auila Pro-
tecteur d'Espagne, il fist contenance de l'empef-
cher; mais ne trouuant personne qui le voulust
ouïr, il se trouua contraint d'y aller, & prier sa
Sainteté de l'excuser, & luy pardonner: d'autāt
que ce qu'il en auoit fait, c'estoit seulement
pour sa descharge, & faire monstre de son affe-
ction au seruice de son Roy. Sa Sainteté luy
respondit, qu'elle luy pardonnoit tres-volon-
tiers, & qu'il n'auoit fait en cela que ce qu'un
bō seruiteur doit faire. Et que nonobstāt, il luy
demeureroit tousiours bon amy, & esgallement
bien-veillant & bien affectionné, tant enuers le
Roy d'Espagne, que enuers le Roy de France.
Ainsi ce mesme iour, premier Aupil, sur les sept
à 8. h. du soir, le Cardinal de Florence, ou de me-
dicis, fut élu Pape, & print le nom de Leō XI.

Le lendemain matin, il fut solennellement
porté dans l'Eglise de S. Pierre, avec les solem-
nitez accoustumees. La benediction & corona-
tion fut faite le iour de Pasques, & la procession
solemnelle à S. Jean de Latran, qu'on appelle pri-
se de possession, fut differee iusques au 17. d'A-
uril. Mais au retour de ceste procession il se trou-
ua saisi d'une maladie, dont il deceda le 27. du
mesme mois sur les 8. heur. du matin, & fut mis
en sa sepulture pres de Clement VIII. La Fran-
ce fit autāt de feux de ioye à son eslection (pour-

Sa mort.

A iij

1605_003v.jpg



Le Mercure François, ou,
1605. ce que c'estoit vn Prince plein de pieté, & qui
auoit tat trauaillé pour elle à la paix de Vreuins)
qu'elle fit de regrets pour sa mort si soudaine.

Dix iours apres les Cardinaux entrerēt au Cō-
claue, il sembloit qu'il deust tirer en longueur,
à raison de quelques partialitez entre aucuns
diceux Cardinaux, ceux qui estoient choisis
par les vns n'estans pas agréables aux autres.

*Diuision des
Cardinaux
pour eslire
vn Pape.*
Le Lundi 16. iour de May, comme on estoit
prest de proceder à l'eslection du Cardinal Tos-
co, desia tenu Pape d'un chacun, en sorte que la
cellule ou chambrette fut pillée par les Concla-
uistes & autres seruiteurs, sur quelque propos
du Cardinal Baronius, qui sembloit en faire dif-
ficulté, se trouua à l'instant du changement, &
les Cardinaux furent diuisez en deux bādes: vne
partie estant dans la Chappelle de Sixte tendans
à l'eslection de Tosco, autre partie en la Chap-
pelle Pauline tendans à l'exclusion: & demeure-
rent en telle diuision la plus grande partie de ce
iour, & sembloit n'y auoir point de remede. Sur
le soir il aduint que soudainement par inspira-
tion le Cardinal Borgheze, duquel auparauant il
n'auoit point esté parlé, en vn mesme instant se
trouua desiré d'un chacun, avec approbation &
applaudissement d'affection, mesme du Cardinal

*Eslection du
Cardinal
Borgheze
qui a pris le
nom de
Paul V.*
Tosco. Tellement qu'à l'heure mesme, la nuit
estant desia fort aduancee, tous l'allerent trou-
uer en sa stance & chambrette, & le menerent
en la chappelle Pauline, où il fut fait Pape par
Scrutin ouuert & suffrages donnez à haute
voix. Il prit le nom de Paul V. & fut couronné
le iour de la Pentecoste 29. May.

Image issue du site mercurefrancois.ehess.fr - Cliché (c) Cécile Soudan